

清初名儒年譜

陳祖武先生選
清人年譜系列

◎本社影印室 輯

◎北京圖書館出版社

陳伯武先生
清人年譜系列

◎本社影印室 輯

◎北京圖書館出版社

清初名儒年譜

9

汪堯峯先生年譜序

年譜所以補本傳之闕略爲凡讀古人書者綜其始卒通其條貫非第多學而識抑亦知人論世之要也顧非家有藏書潛心探討旁徵博引則必不能爲是以爲古人年譜者數千年來猶落落可數也余友趙君學南之叔子尊三年少好學家故富藏書晨夕枕藉誦讀輒不苟去年旣編定元恭年譜今又及堯峯堯峯當時與吾鄉諸先賢以問學道義相磨礪其見於集中者甚多學南夙以表章鄉先賢遺書爲己任今其叔子之編堯峯年譜殆猶學南之意可以互見鄉先賢事豈偶然哉當

斯世爲人子弟能率循其父師之訓躬躬然伏案讀書
爲之終其始卒通其條貫如尊三者亦僅矣編旣成學
南屬余爲之序願或以尊三之年著書太早余謂是非
著書也益猶多學而識知人論世之要善讀書者也因
并識之乙丑八月同邑方還

人平齋書樓于平來齋舊在河邊山余文獻學南大
家言藏書心附情愛對面俱心不貲爲最久爲古
而其餘費非微冬學而歸時亦映人歸世之要也願非
平齋而以蘇木齋之闕如爲人歸古人書香錄其故
王襄舉次士平齋序

汪堯峯先生年譜



又滿樓

崑山趙經達尊三編輯

明熹宗天啟四年甲子正月十六日先生生於蘇城西

北黃鸝坊橋之故居

同治蘇州府志黃牛坊橋在西成橋北宋皇祐五年重建今名黃鸝

坊橋

先生名琬字荅文號鈍菴初號玉遮山樵小字液仙江南長洲縣人也晚年天下學者皆尊稱爲鈍翁又因其居號堯峯先生云汪氏自唐宋以來世爲徽甲族明初有名得者逸其字居蘇之長洲縣石塘橋始從張士誠軍吳元年丁未歸徐大將軍達麾下併本

衛中所遂爲衛官籍配黃氏繼李氏合葬桃華塢北
利二畝利字圩七世而至禧先生曾大父也

禧字延之別號研山府學生萬曆丙子舉人享年五
十七以子起鳳貴累贈中憲大夫江西右參政配周

淑人享年六十六合葬吳縣寶華南火字圩新阡延

之留心經世尤長天官地理之學吳中談地理者俱

推服不衰三子起龍

字伯雨別號玄圃附例太學生
鄉飲賓享年六十八配張恭人

起鳳

字無朋別號來虞萬曆辛丑進士官至廣東左
右布政使忤逆奄魏忠賢旨勒令閒住崇禎初

復補原官分巡海南道卒於任
享年六十配徐繼丁皆淑人

起鶴

起鶴字聞于廩例太學生生於萬曆戊寅九月十日

卒於己未七月二十四日享年四十二配湯碩人生於萬曆己卯正月二十五日卒見後聞于性嚴正爲學嗜古文詞所作時義典麗有則仲兄來虞旣貴益閉戶循謹未嘗有世俗貴介態士類歎息以爲難三子膺廉字簡常別號讓水長洲恩貢生授鄞縣知縣蒞任未幾暴卒享年五十三配袁氏享年五十

十廕

字樹美享年二十九配吳氏享年三十二

膺字元御別號玉淙生於萬曆甲辰七月十八日卒見後配徐宜人生於萬曆乙巳三月十八日卒見後元御有寸碧堂詩藁行世三子長先生次學朱次珮學朱出嗣叔父廕後俱見後

是歲元御公初赴鄉試臨試時猶未諳二三場文體
張咸所先生以爲言乃取程表一篇讀一過曰易耳
其後丁卯中式表最華贍詳整爲士林所傳誦焉

天啟五年乙丑二歲

仲弟搢九生搢九名琰後改名學朱別號拙菴吳江
歲貢生候選訓導配袁氏

天啟六年丙寅三歲

天啟七年丁卯四歲

遷居八孃子巷

蘇州府志八良士巷在太平橋南
晚東姑蘇志作八孃子巷

秋

元御公舉於鄉試二場時方將投卷有江北士子求

觀判語始悟判未屬草也乃返號補之遂中式

莊烈帝崇禎元年戊辰五歲

元御公試禮部不第

崇禎二年己巳六歲

元御公病咯血先是公與友人步登陽山大石雲泉
菴燒筍食之冒雨疾趨下呼酒痛飲竟夕故得是疾
先生入小學嘗夜侍父母飲元御公忽詢若長大
欲富乎欲貴乎先生以貴對公問故先生率爾曰貴
則富可期也公指先生訶示徐宜人曰此子不材異
時將以墨敗故先生居官頗自謹飭蓋不忘公訓也

崇禎三年庚午七歲

季弟南賚生名珮配王氏

崇禎四年辛未八歲

元御公計偕北上至淮而歸遂不復赴公車

崇禎五年壬申九歲

崇禎六年癸酉十歲

始爲時文

崇禎七年甲戌十一歲

七月八日元御公卒年三十一時仲弟方十歲季弟五歲先生奉徐宜人教讀書勵志行內自重有守家

貧未嘗降顏色向人勾貸

崇禎八年乙亥十二歲

隨舅氏徐勿齋

汧

宮詹習制科業

崇禎九年丙子十三歲

崇禎十年丁丑十四歲

崇禎十一年戊寅十五歲

秋入長洲學爲附生

提學御史元璋號還浦山東濰縣人乙丑進士

八月

五日祖母湯碩人卒年六十後與聞于公合葬鄧尉

山十九都十八畝寶字圩

崇禎十二年己卯十六歲

與同邑朱旣庭實以文章爲徐勿齋宮詹所知數引入二株園爲文會嘗獨行道上遇一方外僧顧視先生久之指示路人曰異哉此子之相相書所謂鶴形者也

崇禎十三年庚辰十七歲

歲試列高等

崇禎十四年辛巳十八歲

出爲塾師嶷然稱偉人歲時從塾中歸以門人脰脯所入購書讀之

崇禎十五年壬午十九歲

冬十二月袁宜人來歸

宜人爲明胥臺先生諱裴字永之四世女孫與先生同年

月生僅先四日

崇禎十六年癸未二十歲

與陳均寧

匡國

訂交均寧吳中隱士也

冬長子筠生

筠字禹吹吳江附學生娶毛氏

崇禎十七年甲申二十一歲

清世祖順治二年乙酉二十二歲

江南大亂先生奉母避難

生長女不育

順治三年丙戌二十三歲

季弟南齋補吳縣附學生

學使陳昌言山西澤州人明甲戌進士監察御史諸

生譜汪珮
作汪佩

先生補廩膳生補行秋舉先生不利

順治四年丁亥二十四歲

春生第二女不育 冬十二月四日母徐宜人卒年

四十三先是先生與侯研德涵以詩相倡和至是始

罷

順治五年戊子二十五歲

夏生第三女不育

順治六年己丑二十六歲

春課再從姪處默

譚讀後更名潭順治丁酉副榜第一名

順治七年庚寅二十七歲

太倉吳梅村

偉業

先生及長洲宋右之

德宜

等舉十郡大

社連舟數百艘集於嘉興南湖越三日乃定交去宛

平金治公

鉉

來尋盟盟者十子金治公彭雲客

璣

繆

子長

慧遠

章素文

在茲

吳敬生

愉

宋旣庭宋右之宋疇三

德宏

尤悔菴

侗

及先生也悔菴與彭宋計甫草

東

舉慎

交社七郡從焉

順治八年辛卯二十八歲

三月次子蘅生蘅警悟異常兒三歲母教之讀已略

能誦關雎以下數篇及唐詩若干首

秋試於鄉不

利時先生文譽漸著交友益多崑山蔡九霞

方炳

聞名

來請其父忠襄公墓誌銘

順治九年壬辰二十九歲

夏長妾張氏生女四姑

順治十年癸巳三十歲

春慎交同聲兩社各治具虎阜申訂九郡同人至者
五百人第一日慎交社爲主次一日同聲社爲主奉
吳梅村先生爲宗主梅翁賦襖飲社集四首同人傳
誦翌日復有兩社合盟之舉山塘畫舫鱗集冠蓋如
雲拔其尤者集半塘寺訂盟四月復會於鴛湖從中
傳達者侯研德及周子俶肇兩人專爲和合之局

冬生女慧姑 是歲館於松陵

順治十一年甲午三十一歲

江南鄉試中式舉人正主考贊善姜元衡

卽墨人

副主

考編修馬華曾

平湖人

題爲士不可以一節大哉聖人

一句人人親其親一句解元句容朱朝幹 先生以

前後所爲古今詩編成毓德堂詩鈔侯研德爲之序
有云吳郡之詩往往喜談神理紂於格調雖有精思
未協雅則茗文獲雋南闡刻其詩隨公車以行予觀
茗文之詩厚於神理而嚴於格調漢魏盛唐而下不
肯雜一字補吳音之不逮未必非風雅之一助也